



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU EVROPSKE EKOLOŠKE STRANKE E-5

Broj: 09-07-6-1150/07
Sarajevo, 03. april 2008. godine

SADRŽAJ:

	MIŠLJENJE REVIZORA	3
4	1. UVOD	
	2. PREDSTAVLJANJE POLITIČKE STRANKE	4
	3. OPIS PREGLEDA I KANCELARIJSKE REVIZIJE	4
	Predmet kancelarijske revizije	4
	Cilj kancelarijske revizije.....	5
	Obim kancelarijske revizije	5
5	4. PRETHODNE REVIZIJE.....	
	5. NALAZI KANCELARIJSKE REVIZIJE I PREPORUKE	5
	5.1. NALAZI	5
	5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja **Evropske ekološke stranke E-5** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Evropska ekološka stranka E-5 je prekršila odredbe člana 11. stav 1. i 3. Zakona o finansiranju političkih stranaka, jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Evropske ekološke stranke E-5 i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Evropska ekološka stranka E-5 je iskazala prihode u iznosu od 107.154,51 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina		
2	Prilozi fizičkih lica	1.500	140%
3	Prilozi pravnih lica	7.411	692%
4	Prihodi od imovine	0	
5	Prihodi od pr.lica	0	
6	Prihodi od poklona	0	
7	Prihodi iz budžeta	98.244	9168%
	Ukupni prihodi:	107.155	10000%

U godišnjem finansijskom izvještaju Evropska ekološka stranka E-5 je iskazala ukupne rashode u iznosu 119.676,56 KM.

2. PREDSTAVLJANJE POLITIČKE STRANKE

Naziv političke stranke: Evropska ekološka stranka E-5. Skraćeni naziv stranke je E-5.

Politička stranka je registrovana 24.04.2002. godine u Kantonalnom sudu u Sarajevu, broj upisa R-I-5/02 pod nazivom Proeuropska narodna stranka. Rješenjem broj R-I-3/04 od 15.04.2004. godine politička stranka je promijenila naziv u Evropska ekološka stranka - E-5.

Sjedište političke stranke je u Sarajevu, ulica Titova 9a.

Lice ovlašteno za zastupanje stranke je Nermin Vila, predsjednik stranke.

Lice ovlašteno za podnošenje finansijskih izvještaja za 2006. godinu je Mirela Hamidović.

Organizacionu strukturu E-5 čine:

- Glavni odbor
- 5 regionalnih odbora
- 40 opštinskih odbora.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Evropske ekološke stranke E-5 za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li su Evropska ekološka stranka E-5 u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja Evropske ekološke stranke E-5 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode iz budžeta i troškove predizborne kampanje.

4. PRETHODNE REVIZIJE

Izvršena je revizija godišnjeg finansijskog izvještaja Evropske ekološke stranke E-5 za 2005. godinu i izdat izvještaj o reviziji sa mišljenjem, nalazima i preporukom revizora da stranka postupa u skladu sa odredbama člana 5. stav 1., član 6. i član 11. stav 3. Zakona o finansiranju političkih stranaka. Stranci su takođe date i preporuke: da definiše postupke i procedure internih kontrola vezanih za proces trošenja finansijskih sredstava, da ustroji upravljanje gotovinom putem blagajne, da poslovanje blagajne urediti na način da definiše visinu blagajničkog maksimuma, razgraniči dužnosti evidentiranja, odobravanja i isplate, da u što kraćem roku utvrdi i knjigovodstveno evidentira stvarno stanje svojih obaveza i da uspostavi centralni registar članova stranke.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1. NALAZI

Na osnovu obavljene kancelarijske revizije finansijskog izvještaja utvrđeno je da je Evropska ekološka stranka E-5 prekršila odredbe člana 11. stav 1. i 3. Zakona o finansiranju političkih stranaka.¹

- U finansijskom izvještaju stranka nije navela identifikacione brojeve za dva fizička lica koja su stranci dala priloge u ukupnom iznosu od 1.500,00 KM i sedam pravnih lica koji su stranci dali priloge u ukupnom iznosu od 6.650,51 KM.
- U godišnjem finansijskom izvještaju stranka je iskazala troškove izborne kampanje u iznosu od 48.252,06 KM. Kontrolom troškova izborne kampanje iskazanih u sva tri izvještaja (predizborni, postizborni i godišnji finansijski izvještaj za 2006. godinu) koja je podnijela ova politička stranka, utvrđeno je da je stranka za troškove štampanja, umnožavanja i slanja predizbornog materijala biračima utrošila 15.234,87 KM u periodu nakon što su provedeni Opšti izbori i objavljeni rezultati izbora.
- Obaveze po osnovu pozajmica, kredita i dugova nisu iskazane u finansijskom izvještaju u skladu sa članom 23. Pravilnika². Na obrascu su iskazane obaveze po osnovu pozajmica u iznosu od 71.200,00 KM, od čega je 1.200,00 KM pozajmica pravnog lica d.o.o. A.C. Visoko, a 70.000,00 KM su pozajmice fizičkih lica.
Kontrolom finansijske dokumentacije stranke je utvrđeno da E-5 ima obaveze prema fizičkim licima po osnovu pozajmica u iznosu od 47.000,00 KM.³ Pozajmicu po ugovoru 1544-03/02 od 03.09.2002. godine u iznosu od 23.000,00 KM stranka je vratila njenom davaocu⁴, a navedenu obavezu i dalje iskazuje i u poslovnim knjigama i u finansijskim izvještajima koje dostavlja CIK BiH.
- U strukturi obaveza prema dobavljačima iskazanim u finansijskom izvještaju u ukupnom iznosu od 40.686,17 KM, obaveze iz 2003. godine iznose 17.012,57 KM, obaveze iz 2004. godine iznose 2.400,00 KM i obaveze iz 2005. godine iznose 6.795,12 KM. Na osnovu starosne strukture obaveza iskazanih na obrascu 5 finansijskog izvještaja postoje indicije, da stranka obaveze prema dobavljačima iskazuje u znatno većem iznosu od stvarnih.⁵

5.2. PREPORUKE :

¹ U skladu sa odredbama člana 11. stav 1. Zakona o finansiranju političkih stranaka, političke stranke su dužne da vode evidenciju o svojim prihodima i rashodima, a prema odredbama člana 11. stav 3. dužne su podnositi finansijski izvještaj u formi koju odobri Centralna izborna komisija BiH. U skladu s time CIK BiH je donijela Pravilnik o godišnim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06)

² U obrazac 5. se unose podaci o ukupnim obavezama po kreditima i pozajmicama (naziv davaoca kredita ili pozajmice, iznos, datum realizacije, visina rate i rok vraćanja) i obaveze po dugovanjima (naziv povjerioca, iznos duga, datum nastanka duga, visina rate i rok vraćanja duga).

³ Ugovor broj 1491-03/02 od 23.08.2002. godine (pozajmica Nermina Vile u iznosu 25.000,00 KM sa rokom vraćanja 12 mjeseci), Ugovor 1544-03/02 od 03.09.2002. godine (pozajmica Demirović Harisa u iznosu 23.000,00 KM sa rokom vraćanja 12 mjeseci) i Ugovor 1490-03/02 od 23.08.2002. godine (pozajmica Jadranka Prlića u iznosu 20.000,00 KM sa rokom vraćanja 12 mjeseci).

⁴ Izvod sa transakcijskog računa broj 1990490005248620 kod ABS Banke d.d. Sarajevo broj 5-52486/2003 od 17.04.2003. godine

⁵ Obaveze prema BH Telecomu, Mobisu RS i Eronetu iz 2003, 2004. i 2005. godine iznose 6.573,20 KM i obveze iz 2006. godine 3.200,00 KM.

Evropskoj ekološkoj stranci E-5 se preporučuje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da treba postupati u skladu sa odredbama člana 11. stav 3. Zakona o finansiranju političkih stranaka*

Troškovi predizborne kampanje

Evropska ekološka stranka E-5 je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 43.250,96 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Evropska ekološka stranka E-5 mogla je potrošiti 2.169,816,80 KM.

Komentar

Evropska ekološka stranka E-5 se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2006. godinu koji joj je dostavljen 22.02.2008. godine.

Hasida Gušić, šef Službe za reviziju - revizor

⁶ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.